



Broj: 07-07-9-4098-26/2019  
Sarajevo, 30.12.2019. godine

Na osnovu člana 69. stav (2) tačka (d) i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14), a po provedenom postupku javne nabavke – konkurentski zahtjev za dostavu ponuda za nabavku roba - tonera, na preporuku Komisije za nabavku tonera, direktor Finansijsko-informatičke agencije d o n o s i

## **O D L U K U**

### **o poništenju postupka javne nabavke za LOT 2 – Toneri za štampače Lexmark**

#### **I**

Poništava se postupak javne nabavke roba – LOT 2 – toneri za štampače Lexmark, iz razloga što niti jedna primljena ponuda nije prihvatljiva, u skladu sa članom 69. stav (2) tačka d) Zakona o javnim nabavkama („Službeni glasnik BiH“, broj 39/14) (u daljem tekstu: Zakon).

#### **II**

U prilogu ove Odluke, ponuđaču koji je učestvovao u postupku javne nabavke, dostavlja se i Zapisnik o pregledu i ocjeni konačne ponude broj: 07-07-9-4098-24/2019 od 27.12.2019. godine, u skladu sa članom 71. stav (2) Zakona.

#### **III**

Zadužuje se Sektor za pravne i zajedničke poslove, da najkasnije u roku od sedam dana od dana donošenja ove Odluke, istu dostavi svim ponuđačima koji su učestvovali u postupku javne nabavke i time ih obavijesti o rezultatima postupka.

#### **IV**

Ova Odluka stupa na snagu danom donošenja i objavit će se na web stranici Agencije: [www.fia.ba](http://www.fia.ba), u skladu sa članom 70. stav (6) Zakona, istovremeno sa upućivanjem ponuđačima koji su učestvovali u postupku javne nabavke.

## **O b r a z l o ž e n j e**

Postupak nabavke tonera pokrenut je Odlukom o pokretanju postupka javne nabavke broj: 07-07-9-4098-1/2019 od 10.12.2019. godine. Javna nabavka provedena je putem konkurentskog zahtjeva za dostavu ponuda za nabavku tonera, te podijeljena u dva LOT-a. Procijenjena vrijednost LOT-a 2 – toneri za štampače Lexmark iznosi 6.215,00 KM. Obavještenje o nabavci objavljeno je dana 11.12.2019. godine na Portalu javnih nabavki pod rednim brojem: 10700-7-1-149-3-22/19 i Ispravka obavještenja: 10700-7-1-149-8-23/19 od 17.12.2019. godine.

Tenderska dokumentacija za nabavku tonera je objavljena na Portalu javnih nabavki, s tim da su i zahtjevi za dostavu ponuda upućeni istovremeno na adrese tri ponuđača.

Blagovremeno, u ostavljenom roku, ponude su dostavili sljedeći ponuđači:

- "PRINTEX" D.O.O. SARAJEVO, Hasana Sušića broj 9, Sarajevo
- "SVJETLOST-SARS" D.D. SARAJEVO, Muhameda Kantardžića broj 3, Sarajevo.

Komisija za nabavku tonera (u daljem tekstu: Komisija), imenovana Rješenjem direktora broj: 07-07-9-4098-2/2019 od 10.12.2019. godine, izvršila je pregled i ocjenu pristiglih ponuda i utvrdila:

Da ponuda ponuđača "PRINTEX" D.O.O. SARAJEVO nije prihvatljiva iz sljedećih razloga:

- na koverti nije naznačen tačan naziv predmeta nabavke kako je traženo u tački 4.4. tenderske dokumentacije;
- nedostavljanja Izjave od kancelarije proizvođača Lexmark, čije tonere ponuđač nudi u stavki broj 2. Obrasca za cijenu ponude - LOT 2, da je ponuđena oprema nova i nekorištena i sa obezbjeđenim servisom na teritoriji BiH;
- nedostavljanja Tehničke/kataloške dokumentacija za sve ponuđene tonere/kertridže/tinte utvrđene u Tehničkoj specifikaciji – Aneks III na jednom od službenih jezika u Bosni i Hercegovini, na latiničnom ili ćirilichnom pismu, a kako je traženo tačkom 4.3. tenderske dokumentacije (Tehnička/tehnološka dokumentacija dostavljena na engleskom jeziku);
- nepreuzimanja druge izmjene i dopune tenderske dokumentacije sa Portala javnih nabavki, te shodno tome nedostavljanje Obrasca za cijenu ponude, nacрта Okvirnog sporazuma i Tehničke specifikacije u skladu sa izmjenama.

Komisija je također utvrdila da ponuda ponuđača "SVJETLOST-SARS" D.D. SARAJEVO nije prihvatljiva iz sljedećih razloga:

- nedostavljanja Izjave od kancelarije proizvođača ili distributera ovlaštenog od strane proizvođača kojom se potvrđuje da je ponuđena oprema nova i nekorištena i sa obezbjeđenim servisom na teritoriji BiH;
- nedostavljanja Tehničke/kataloške dokumentaciju za sve ponuđene tonere/kertridže/tinte utvrđene u Tehničkoj specifikaciji – Aneks III ove Tenderske dokumentacije;
- nedostavljanja Izjave Ponuđača da će vršiti isporuku isključivo novoprodučenih, nekorištenih, nerepariranih i ne ponovo punjenih tonera/kertridža/tinti, koji su sastavljeni isključivo iz novih dijelova naslovljene na ovaj tender, a kako je to traženo u tački 5. Ocjena ponuda tenderske dokumentacije:
- nedostavljanja Izjavu Ponuđača o garantnom roku za ponuđene robe na 12 mjeseci naslovljene na ovaj tender a kako je to traženo u tački 5. Ocjena ponuda tenderske dokumentacije):
- nedostavljanja Izjave da neće potraživati potrošene tonere/kertridže/tinte nakon upotrebe naslovljene na ovaj tender, a kako je to traženo u tački 5. Ocjena ponuda tenderske dokumentacije.

- nepreuzimanja druge izmjene i dopune tenderske dokumentacije sa Portala javnih nabavki, te shodno tome nedostavljanje Obrasca za cijenu ponude, nacрта Okvirnog sporazuma i Tehničke specifikacije u skladu sa izmjenama

Nakon izvršenog pregleda i ocjene ponude, a obzirom da nije primljena niti jedna prihvatljiva ponuda nije zakazana e-aukcija, Komisija je dostavila direktoru Agencije Zapisnik o pregledu i ocjeni konačne ponude broj: 07-07-9-4098-24/2019 od 27.12.2019. godine, sa preporukom o poništenju postupka javne nabavke za LOT 2 – toneri za štampače Lexmark.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu pristigle ponude shodno kriterijima iz tenderske dokumentacije, te da je izbor izvršen u skladu sa Zakonom i podzakonskim aktima.

Direktor Agencije je prihvatio prijedlog Komisije i uzimajući u obzir naprijed navedeno odlučio kao u dispozitivu Odluke.

**Pouka o pravnom lijeku:**

Protiv ove Odluke može se podnijeti žalba ugovornom organu, Agenciji, u roku od 10 dana od dana prijema iste, u pisanoj formi direktno ili preporučenom pošiljkom.

**Dostaviti:**

- Ponuđaču x 2,
- Komisiji za nabavku tonera
- Sektoru za pravne i zajedničke poslove
- Sektoru za ekonomsko-finansijske poslove i
- a/a.



**DIREKTOR**  
*[Signature]*  
**mr. Esad Mahmutović**